



**МЕСЯЦА ЯНВАРЯ В 25-й ДЕНЬ,
АЩЕ НЕДЕЛЯ,
ИЛИ В НЕДЕЛЮ, БЛИЖАЙШУЮ ПОСЛЕ 25-го ДНЕ**

**Собор Новомучеников и исповедников Российских
НА МАЛЕЙ ВЕЧЕРНИ**

На Господи, возвах: стихиры воскресны гласа.

Слава, глас 1:

О велицыи страстотерпцы, / новомученицы Российстии, / с любовью припадаем к вам / и, благоговейно лобызающе раны ваша, / прославляем ваша подвиги и молимся: // молитве о душах наших.

И ныне, Богородичен гласа.

На стиховне стихиры новомучеников, глас 6.

Подобен: Тридневен:

Помяни, Господи, иже о Тебе пострадавший, / новый страстотерпцы, / от родов наших прозябший / и муки многоразличныя претерпевший, / и прими их моления // о спасении нашем.

Стих: Мне же zelo чести быша // друзи Твой, Боже.

Даровал еси, Судие праведный, / исповедником Церкви Российския / Царство Небесное / и блаженство вечное. / Прими ныне, Господи, моление их // о спасении душ наших.

Стих: Изочту их // и паче песка умножатся.

Яко звезды пресветлыя, / сияют на Небеси новомученицы Российстии, / кровь же их святая удобри землю Русскую / во освящение и благословение. / Тех молитвами, Христэ Боже, // помилуй и спаси души наша.

Слава, глас и подобен тойже:

О Троице Пресвятая, / род наш от греховнаго пленения избави / и на путь правый настави / предстательством новомученик Российских, / иже молят Тя, Триипостасный Боже, // о спасении душ наших.

И ныне, Богородичен:

О Благодатная и Пречистая Дево Марие, / Ходатаице и Заступнице всех верных, / предстательством

новомучеников и исповедников Россійских/ расточённые соборы, малодушные возстаи,/ отпадшия же от святыя вёры обрати// и в церкóвное лóно возврати.

Тропáрь воскресен.

Слáва, новомучеников. И ныне, Богорóдичен.

НА ВЕЛІЦЕЙ ВЕЧЁРНИ

Блажён муж: 1-й антифóн.

**На Гóсподи, возва́х: стихіры воскресны гласа
и стихіры новомучеников, глас 5.**

Подóбен: Рáдуйся:

**Рáдуйтесь, новомученицы и исповедницы Россій-
стии,/ православных удобрение,/ новозакланныи
áгнцы,/ вёры побóрницы и хранителие,/ ходатаи о
нас к Бóгу непостыднии,/ в лёта послéдняя/ страда́нь-
ми подражателие пёрвым мучеником явистесь,/ тер-
пéния столпí непоколебимии,// душáм нашим испро-
сите вéлию мѝлость.**

**Рáдуйтесь, страстотёрпцы славнии,/ стопáм послé-
дующе дрéвних мученик,/ вёры рáди подвизáстесь
твёрдо/ в лю́тая времена́ земли́ нашея/ и ныне всех
подвизáете к слáве и хвалéнию Бóга,/ укрéпльшаго
ва́ше немощно́е естество́/ и обогатившаго вас даро-
ва́ньми Духа,// во спасéние душ наших.**

Глас и подóбен тойже.

Творéние святителя́ Афанáсия Коврóвскаго:

**Приидите, Небеснии предстателие на́ши, к нам,
ва́шего ча́ющим мѝлостивнаго посещéния,/ и изба́ви-
те озло́бленные мучительскими прещéнии/ лю́таго
нейсто́вства неверных,/ от нихже, я́ко плéнницы и
на́зи, гонѝми есмѝ,/ от мéста на мéсто ча́сто преходя́-
ще/ и заблужда́юще в вертéпех и гора́х./ Ущéдрите
у́бо, прехва́льнии,/ и да́руйте нам осла́бу,/ утолите б́-
рю/ и угасите ё́же на ны негодова́ние,/ Бóга моля́ще,//
пода́ющаго ва́ми земли́ нашей вéлию мѝлость.**

Йны стихіры новомучеников, глас 6.

Подóбен: Все отлóжше:

**Святителю́ óтче Тѝхоне,/ архипáстырю многостра-
да́льне,/ ты в годѝну лю́тых безбóжных гонéний/ вёр-
ная ча́да Цёркве Россійския,/ утешáя, призывáл еси́/**

за Христа и веру Православную мужественно стояти,/ сам же, по вся дни умирая за паству твою,/ исповедник непоколебимый явился еси.// Сего ради ты с любовью прославляем.

Па́стырю истинный,/ священномучениче Владими́ре,/ егда́ беззако́ннии понужда́ху ты/ Це́ркве Росси́йския отступити,/ ве́рен делом и сло́вом/ святителю Ти́хону пребы́л еси/ и я́ко священна́я же́ртва от Ки́ева, ма́тере градо́в ру́сских,/ Бо́гу прине́слся еси,/ моля́ся о убива́ющих ты.// Сего́ ради ты усер́дно прославля́ем.

Священномучениче Вениа́мине,/ Це́ркве Христо́вы истинный сы́не/ и благостоя́ния ея́ усер́дный ревни́телю,/ проти́ву лжепа́стырей, тща́щихся расхи́тити ста́до твоё,/ му́жественне стал еси/ и, не убо́явся преще́ний и лжесви́детельств мучи́телей,/ обрати́л еси́ суд на главу́ суди́вших ты,/ та́же сме́ртию тво́ею/ Правосла́вие утверди́л еси́.// Сего́ ради ты усер́дно ублажа́ем.

Сла́ва, новомучеников, глас 5:

Всеви́шний Влады́ко,/ в Тро́ице сла́вимый и покланя́емый,/ ущедри ны благоприя́тными мо́льба́ми/ но́вых мученик Твои́х,/ пред мучи́тели дерзнове́нно испове́давших Тя/ Еди́наго исти́ннаго Бо́га/ и Твоё, Сы́не Бо́жий,/ неизрече́нное от Ма́тере Де́вы// спаси́тельное воплоще́ние.

И ны́не, Богородичен.

Вход. Прокі́мен дне. И чтéния новомучеников.

Дея́ний святы́х апо́стол чтéние (глава́ 4):

В тья́ дни собра́шася во Иерусали́м кня́зи, ста́рцы, кни́жницы/ и ели́цы бе́ша от ро́да архиере́йска./ И, поста́вьше Петра́ и Иоа́нна посреде́, вопроша́ху:/ ко́ею си́лою или́ ко́им и́менем исцели́ста хро́маго?/ Петр, испо́лнися Ду́ха Свя́та, рече́:/ кня́зи лю́дстии и ста́рцы Изра́илевы,/ а́ще мы днесь истязу́ем есмь о благодея́нии челове́ка немо́щна,/ о чесо́м сей спасе́ся,/ разу́мно бу́ди всем вам и всем лю́дем Изра́илевым,/ я́ко во и́мя Иису́са Христа́ Назоре́я,/ Его́же вы распя́сте,/ Его́же Бог воскреси́ от ме́ртвых,/ о Сем сей стои́т пред ва́ми здрав./ Сей есть ка́мень, укоренный от вас, зи́ждущих,/ бы́вый во главу́ у́гла,/ и несть ни о еди́нем же ине́м спасе́ния;/ несть бо ино́го и́мене под

небесём, даннаго в человецех, / о нёмже подобает спастися нам. / Видяще же Петрово дерзновение и Иоанново и разумевше, / яко человека неknижна еста и проста, дивляхуся, / знаху же их, яко со Иисусом беста; / видяще же исцелёвшаго человека с нима стояща, / ничтоже имяху противу рещи. / Повелевше же има вон из сонмища изыти, / стязяхуся друг со другом, глаголюще: / что сотворим человека сима? / Яко убо нарочитое знамение бысть има, / всем живущим во Иерусалиме яве, / и не можем отврещися; / но да не более прострётся в людех, / прещением да запретим има ктому не глаголати о имени сем ни единому от человек. / И призавше их, / заповедаша има отнюд не провещавати, ниже учити о имени Иисусове. / Петр же и Иоанн, отвещавше к ним, реста: / аще праведно есть пред Богом / вас послушати паче, нежели Бога? / Судите: не можем бо мы, яже видехом и слышахом, не глаголати. / Он же, призапрещше има, пустыша я, / ничтоже обрётше, како мучити их, людей ради, / яко вси прославляху Бога о бывшем: / лет бо быше множае четырёхдесяти человек той, / на нёмже бысть чудо сие исцеления. / Отпущена же бывша, приидоста ко своим и возвестиста, / елика к нима архиереи и старцы реша. / Он же, слышавше, единодушно воздвигоша глас к Богу и рекоша: / Владыко, Ты, Боже, сотворивый небо и землю и море и вся, яже в них, / Иже Духом Святым усты отца нашего Давида, отрока Твоего, рекл еси: / вскую шаташася языцы и людие поучишася тщетным? / Предсташа царие земсти, / и князи собрашася вкупе на Господа и на Христа Его. / Собрашася бо воистину во граде сем на святого Отрока Твоего Иисуса, / Егоже помазал еси, / Ирод же и Понтийский Пилат, с языки и людьми израилевыми, / сотворити, елика рука Твоя и совет Твой преднарече быти. / И ныне, Господи, призри на прещения их / и даждь рабом Твоим со всяким дерзновением глаголати слово Твое, / внегда руку Твою прострети Ти во исцеления, / и знамением и чудесем бывати, именем святым Отрока Твоего Иисуса. / И помолвившимся им, подвижеся место, идеже бяху собрани, / и исполнишася вси Духа Свята, / и глаголаху слово Божие со дерзновением.

К Тимофею послания свяятаго апостола Пávла чтéние
(глава́ 4):

Чадо Тимофее,/ засвидетельствую́ убо аз пред Бóгом и Гóсподем на́шим Иису́с Хри́сто́м,/ хотя́щим суди́ти живы́м и ме́ртвым в явлéнии Егó и ца́рствии Егó:/ проповéдуй сло́во,/ насто́й благовре́менне и безвре́менне,/ обличи́, запрети́, умоли́ со всяким долготерпéнием и учéнием./ Бúдет бо вре́мя, егда́ здраваго учéния не послу́шают,/ но по сво́их по́хотех изберу́т себе́ учи́тели, чéшеми слúхом,/ и от и́стины слух отвратя́т, и к ба́снем уклоня́тся./ Ты же трезви́ся о всем, злопостражди́,/ де́ло сотвори́ благове́стника,/ служéние твоё извё́стно сотвори́./ Аз бо уже́ жрен быва́ю,/ и вре́мя моего́ отше́ствия наста́./ Пóдвигом до́брым подвиза́хся,/ течéние сконча́х, ве́ру соблюдо́х./ Прóчее у́бо соблюда́ется мне венéц пра́вды,/ егóже возда́ст ми Гóспо́дь в день он, пра́ведный Судия́,/ не то́кмо же мне, но и всем возлю́бльшим явлéние Егó.

Ко Евре́ем послания́ свяятаго́ апосто́ла Пávла чтéние
(глава́ 11):

Брати́е,/ и́же ве́рою победи́ша ца́рствия,/ соде́яша пра́вду, получи́ша обетова́ния,/ заградíша уста́ льво́в,/ угасíша си́лу о́гненную,/ избе́гоша о́стрей мечá,/ возмо́гоша от нéмощи,/ бы́ша крéпцы во бранéх,/ обрати́ша в бéгство полки́ чужди́х./ Прия́ша жены́ от воскресéния ме́ртвых сво́их./ Ини́и же избиéни бы́ша, не приéмше избавлéния,/ да лу́чшее воскресéние улу́чат./ Друзи́и же ругáнием и ра́нами искуше́ние прия́ша,/ ещé же и у́з и темни́ц./ Ка́мением побиéни бы́ша,/ претрéни бы́ша, искуше́ни бы́ша,/ убийством мечá умро́ша,/ проидóша в ми́лотех и в ко́зиях ко́жах,/ лишéни, скорбя́ще, озло́блени./ Ихже не бе досто́ин весь мир,/ в пусты́нях скита́ющесе, и в гора́х, и в верте́пах, и в про́пастех земных./ И си́и вси, послу́шествовани́ бы́вшие ве́рою, не прия́ша обетова́ния,/ Бóгу лу́чшее что о нас предзрэ́вшу,/ да не без нас соверше́нство при́мут.

На литіи стихіра новомучеников, глас 6.

Подобен: Отчаянная:

Творение святителя Афанасия Ковровскаго:

Отчаянни есмь / жития ради / и не имамы права добродетельна, / яко миро, приносим Ти, Господи, / молитвы святых сродников наших. / Не отвержи Русь, издревле Святую, / ныне же грехов наших ради люте страждущую. / Не презри слезы верных сынов, / колен своих пред Ваалом не преклонявших, / и ихже не поразил еси, согрешающих. / Примими нас, кающихся, Боже, // святых Твоих мольбами.

Слава, глас 8:

Приидите, мучениколюбцы, / приидите, составим лик, / торжествующе и Бога прославляюще / в радостный праздник новомучеников и исповедников Российских, / сии бо не уклоняшася скорби, / ни убояшася темницы, / горькими работами, голодом и холодом изморени / и многовидными муками умерщвляеми, / яко агнцы незлобивии, смерть прияша. / И ныне в радости святых // молят Троицаго Бога о земном отечестве своем.

И ныне, глас тойже:

Владычице, прими молитвы раб Твоих / и избави нас // от всякия нужды и печали.

На стиховне стихиры воскресны гласа. Слава, новомучеников, глас 2: Новый доме: И ныне, Богородичен, глас 8: О, преславнаго чудесе:

Стихиры новомучеников, глас 2.

Подобен: Доме Евфрафов:

Творение святителя Афанасия Ковровскаго:

Земле Русская, / граде святей, / украшай твой дом, / в немже Божественный // велий сонм святых прослави.

Стих: Господи, Господь наш, // яко чудно имя Твое по всей земли.

Церковь Русская, / красуйся и ликуй, / се бо чада твоя / Престолу Владычню // во славе предстоят, радующиеся.

Стих: Святым, иже суть на земли Его, // удиви Господь вся хотения Своя в них.

Соборе святых русских, / полче Божественный, / молитесь ко Господу / о земном отечестве вашем // и о почитающих вас любовью.

Слава, глас и подобен тойже:

Новый доме Евграфов, / уделе избранный, / Русь Святая, / храни веру Православную, // в нейже тебе утверждение.

И ныне, Богородичен, глас 8.

Подобен: О, преславного чудесе:

О, преславного чудесе! / Небесе и земли Царица, / от святых сродников наших умоляемая, / до ныне землю Русскую покрывает / и лика Своего изображении милостивно обогащает. / О Владычице Державная! / Не престани и на будущее время / во утверждение на Руси Православия // милости и чудеса изливати до века. Аминь.

На благословении хлебов Богородице Дево: дважды и тропарь новомучеников единойды.

Тропарь новомучеников, глас 4:

Днесь радостно ликует Церковь Русская, / прославляющи новомученики и исповедники своя: / святители и иереи, / царственные страстотерпцы, / благоверные князи и княгини, / преподобные мужи и жены / и вся православные христианы, / во дни гонения безбожного / жизнь свою за веру во Христа положившия / и кровью истину соблюдшия. / Тех предстательством, долготерпеливе Господи, / страну нашу в Православии сохрани // до скончания века.

НА УТРЕНИ

На Бог Господь: тропарь воскресен, дважды. Слава, новомучеников. И ныне, Богородичен.

По 1-м стихословии седален, глас 4:

Новомученицы Российстии, / кровию своею веру запечатлевши, / Владыку всех молитесь / Церковь Русскую в Православии утвердить, / землю нашу от скверн очистить, / люди во благочестии сохранить / во общее всех спасение.

По 2-м стихословии седален, глас 4:

Иже в земли Россійстей новомученик и исповедник Твоих, / яко багрянницею и вѣссом, / кровью Цѣрковь Русская украсившися, Христѣ Бѣже, теми вопиет Ти: / людем щедроты Твоя низпосли, / мир жителству Твоему даруй / и душам нашим велию милость.

Величание: Величаем вас, / святѣи новомученицы и исповедницы Россійстии, / и чтим честная страдания ваша, / яже за Христа // претерпели есте.

Псалом избранный: Бог нам прибежище и сила:

По полиелѣи седален, глас 6.

Творение святителя Афанасия Ковровскаго:

Мужайся, Христова Цѣрковь, / и державствуй над всею борющимися, / Христови бо друзи о тебе пекутся, / и предстояще, и обстояще, / ихже общій праздник / ныне совершаеши светло.

Аще храм новомучеников, прокимен, глас 4: Пройдохом сквозѣ огонь и воду, // и извел еси ны в покой. **Стих:** Разжегл ны еси, якоже разжизается сребро. **Евангелие от Матфея, зачало 36.**

По 50-м псалмѣ стихира, глас 6:

Цѣркве Русския столпи непоколебимии, / соборе новомучеников и исповедников Россійских, / сердцем верующе в правду, / усты Господа Иисуса Христа исповедали есте во спасение / и заточения, изгнания, горькия работы и смерть / Бога ради сладце претерпели есте. / Темже тепле молитесь ко Господу, / Русь Святую в Православии утвердѣти // и спасти души наша.

Канон новомучеников, глас 6.

Песнь 1

Ирмос: Сеченное сечется / море Чермное, / волнопитаемая же иссушается глубина, / таяжде купно безоружным бывши проходима / и всеоружным гроб. / **Песнь же богокрасная воспеваешся:** // славно прославися Христос, Бог наш.

Припев: Святѣи новомученицы и исповедницы Россійстии, / молитѣ Бога о нас.

Господи, Бóже наш, прísно прославляяй вся святыя, / ныне и нас, недостóйных, сподóби сынóвне прослáвити святых срóдников наших, / новомучеников и исповедников Россiйских.

Кровьми вашими, священномученицы, яко в Чермнѣм мóри, потопили есте безбóжныя мучители, / Цѣрковь же Русская, вами красящися, / похвалы побѣдныя, яко земля обетовáнная мед и млеко, вам источает.

Егда дадеся вам благодать не точию во Христа веровати, / но и по Нем страдати, / немóкренно пучину кровных мук проидосте, святiи мученицы, / верным сыновом руссiйским образ явльше, / и со дерзновенным исповеданием во врата Небесная внидосте.

Богородичен: Приими песнь хвалѣбную, от недостóйных уст возносимую, / препрославленная Мати Божия.

Песнь 3

Ирмос: Господь Сый всех и Зиждитель Бог, / созданное, Безстрастный, обнищав, Себе соедини, / и Пасха, за яже хотяше умерети, / Сам, Сый, Себе предпожре: / ядите, вопия, Тѣло Моё // и верою утвердитесь.

Егда буря нечестия на Цѣрковь Русскую воздвижется, / вы, святiи новомученицы, страданьи вашими со тщанием укротите ю / и подвиги вашими Православию утвердите.

Муки велия за Цѣрковь Христову претерпесте, святiи новомученицы, / молите утвердиться ей незыблемей и непоколебимей до скончания века.

Страданьи и исповеданием Христа, святiи срóдницы наши, / вшедше в Небесная селения, яко дрѣвле Израиль в землю обетовáнную, / отечество ваше земное, Русь Святую, в любви сохраняйте молитвами вашими.

Богородичен: Небесных кругов вышшая / и славою Божественною преукрашенная, Дѣво Мати Божия, / спаси души наша.

Седáлен, глас 2:

Новии страсотѣрпцы Россiйстии, / мученически поприще земное скончавшии и страданьи дерзновение ко Господу приобретшии, / молитесь Ему, вас укрепльшему, / да и мы, егда найдет на ны испытания час, / мужества дар Божий восприимем.

Песнь 4

Ирмос: Провидев пророк/ тайну Твою неизреченную, Христэ, провозгласи:/ положил еси твердую любовь крепости, Отче Щедрый,/ Единороднаго бо Сына, Благий, // очищение в мир послал еси.

Всем концем земли явися чудо смотрения Твоего, Владыко,/ кровию бо новомученик, яко водою, угасил еси в Россійстей земли пламень нечестия и развращения/ и спасл еси люди Твоя.

Славу Божию унаследовасте, новомученицы, просиявши в земли нашей,/ отвергшися бо себе и страх смертный препобедивше,/ любовь к Богу даже до смерти мужественно сохранили есте.

Подвигом добрым подвизавшиися, святии новомученицы Россійстии,/ к покаянию и добродетельному житию подвигните нас,/ да и мы вашими молитвами сподобимся прославляти Господа во Царствии Его.

Богородичен: На Твой надеющийся покров, Мати Божия,/ со святыми новомученики и исповедники Россійскими прославляем милосердие Твое.

Песнь 5

Ирмос: Союзом любве/ связуеми, апостоли,/ владычествующему всеми себе Христу возложше,/ красны ноги очищаху, // благовествующе всем мир.

Дерзновенно, святии, исповедали есте Господа пред отступники и гонители:/ с нами Бог, взывающе, разумейте и покарайтесь,/ страха вашего не убоимся, ни же смутимся, яко с нами Бог.

Уврачуйте молитвами вашими, святии новомученицы Россійстии,/ люди богоборныя, враждою и убийства дышущия,/ и мир странé нашей и верным людем даруйте.

Предстояще Христу, власть имущу судити всему миру,/ святии новомученицы и исповедницы Россійстии,/ очистите нас от грехов наших молитвами вашими,/ да не с миром осуждени будем.

Богородичен: Водворяет ны змий во юдоль плача и чаяния злых,/ не можем терпéти скорби своея, взываху новомученицы,/ Ты же, Богородительнице, простерла еси им покров Свой/ и спасла еси от сетей вражиих.

Песнь 6

Ирмос: *Бѣдна послѣдняя греховъ обѣде мя, / и, волнѣния не ктому терпя, / яко Иона Владыце, вопию Ти:// от тли мя возведи.*

Волны безбожнаго нечестія тщахуся потопити корабль Церкви Русския, / Ты же, Истинный Кормчий, спас еси шествующия на нем молитвами страстотерпцев Россійских, вопиющих: / Господи Сил, из смертоносныя глубины возведи ны.

Безбожнии Каиновы внуцы святѣни церковныя поруганию и огню предаша, / обители разорѣша, храмы яко овощная хранилища содеяша, / христоролюбивыя люди в темницы заключѣша и умучѣша. / Вы же, страстотерпцы, с любовью учили есте: / сие бысть по грехом нашим, людие, покайтеся.

Увы нам, увы, вопияху исповѣдницы Россійстии, / видяще, яко безумнии богоборцы святѣни земли нашей разорѣша, / обители яко узилища темничная содеяша, / храмы Божии в скверная и позорищная места обратѣша / и кровь христіанскую в них пролиаша. / Сего ради опустошишася сердца нечестивых / и живот их аду приближися.

Богородичен: *Изведи нас из рова погѣбели / и уврачуй наша греховныя язвы, Пресвятая Мати Дѣво, / да неосужденно сподобимся присно прославляти новомученики Сына Твоего и Бога нашего.*

Кондак новомучеников, глас 3.

Подобен: Дѣва днесь:

Днесь новомученицы Россійстии / в рѣзах бѣлых предстоятъ Агнцу Божию / и со Ангелы песнь побѣдную воспеваютъ Богу: / благословѣние, и слава, и премудрость, / и хвала, и честь, / и сила, и крепость / нашему Богу // во веки веков. Аминь.

Песнь 7

Ирмос: *Отроцы в Вавилоне / пещнаго пламене не убояшася, / но, посреде пламене ввержени, / орошаеми, пояху:// благословен еси, Господи, Боже отец наших.*

Отроцы в Вавилоне древле, яко основаніе, / новомученицы же Россійстии ныне, яко увенчаніе, / с лики страстотерпец присно зываютъ: / благословен еси, Господи, Боже отец наших.

Отроцы в Вавилоне пещнаго пламене не убояшася,/ новомученицы же Россійстии, тем подражающе,/ гонения безбожных в ничтоже вмениша,/ темже ныне согласно с ними воспевают:/ благословен еси, Господи, Боже отец наших.

Днесь торжествует Церковь Русская,/ святии бо новомученицы, сродницы наши,/ к ликостоянием святых, от века Богу благоугодивших, присовокупившеся,/ согласно с ними воспевают хвалебную песнь:/ благословен еси, Боже отец наших.

Богородичен: Предстоящи Ти Кресту Сына Твоего, Богомати,/ оружие пройде душу Твою,/ темже и попечение сугубое о возлюбивших Его прияла еси,/ иже Ты сыновне величают:/ благословена Ты в женах еси, Всенепорочная Владычице.

Песнь 8

Ирмос: За законы отеческия/ блаженнии в Вавилоне юноши, предбедствующе,/ царюющего оплеваша повеление безумное/ и, совокуплени, иже не сварившася огнем,/ Державствующему достойную воспеваху песнь:/ Господа пойте, дела, // и превозносите во вся веки.

Законы Христовы возлюбивша новомученицы и исповедницы Россійстии,/ безбожная же повеления отринуша/ и, ревностию о Боже связуемии,/ Богу победную песнь воспеваху:/ да благословит Господа Русь Святая и превозносит Его во веки.

Егда земля Россійская тьмою безбожия и Каиновым озлоблением объята бысть,/ тогда мнози христоролюбивии людие на горькия работы изгнани быша/ и глад, мраз, зной и смерть лютую мужественно претерпеша,/ верою же, надеждою и любовью совокуплени,/ достойную воспеваху песнь:/ да благословит Господа Русь Святая и превозносит Его во веки.

Ангелов хвалу и новомучеников славословие милостивно приемляй,/ не отрини, Триипостасный Боже, от сонма их и нас, недостойных,/ но сподоби вкупе с ними воспевати:/ да благословит Господа Русь Святая и превозносит Его во веки.

Богородичен: Зрящи поругание святого удела Своего,/ скорбяше Пречистая Мати и державную помощь

вѣрным людем простираше,/ Сына же Своего усѣрдно
моляше, взывающе:/ да благословит Господа Русь
Святая и превозносит Его во веки.

Песнь 9

Ирмос: Странствия Владычня/ и безсмертныя
трапезы/ на Горнем месте высокими умы,/ вернии,
приидите, насладимся,/ возшедша Слова,/ от Слова
научившися, // Егоже величаем.

Безсмертныя трапезы и жизни вечныя во Царствии
Божием/ наслаждаются ныне новомученицы и исповѣд-
ницы Россійстии,/ исполнися бо на них обетова-
ние Господне:/ побеждающим дам сѣсти со Мною на
Престолѣ Моѣм.

Да прославятся с лики новомучеников и исповѣд-
ников Россійских жены богомудрыя земли нашей,/ яже,
мироносиц восприѣмша чин и мужески Христу
последовавша,/ страдания за имя Его претерпѣша/ и
вѣрно отцем, мужем и братьям нашим, Христа ради
мучимым, послужиша./ Сего ради ныне в жизни веч-
ней вкупе с ними/ трапезы безсмертныя наслажда-
ются.

Жизнодавче Господи,/ молитвами новомучеников
и исповѣдников Россійских/ упокой со всеми правед-
ными верныя рабы Твоя, за имя Твое пострадавша:/
святители и иереи, монахи и мирскія,/ старыя, юныя
и всяк возраст, именуемая и неименуемая,/ яко ис-
тинныя сыны и други Божия.

Богородичен: Яко взбранная Воевода воинства но-
вомучеников и исповѣдников Россійских,/ держав-
ный покров и милостивное заступлѣние явила еси,
Пресвятая Дѣво, земли нашей,/ опустошаемой скорб-
ными и безбожными наведѣнии./ Сего ради ныне мо-
лим Тя:/ прости люди согрѣшшия и сохрани Святую
Русь.

Светилен новомучеников:

Яко отрѣбие миру быша святїи новомученицы и
исповѣдницы Россійстии,/ каменiem побиени быша,
претрѣни быша,/ искушени быша, убийством меча
умроша,/ свидѣтельствующе о Светѣ Истиннем, Иисусе
Христѣ, Господѣ нашем.

На хвалітех стихіры новомучеников, глас 8.

Подобен: О, пресла́внаго чудесе́:

О, пресла́внаго чудесе́! / В послéдняя времена́ возсия́ют мученицы / и прелести мрак отгоня́ют, / véра христиа́нская ны́не возвыша́ется / и па́дает нечестие, / ра́дуются véрнии / и пра́здник новоявлéнным со­ставля́ют, / вопи́юще Христу́ Бо́гу: // мучеников похва­ла́ и побе́да Ты еси́, Всеси́льне.

Творéние святітеля Афанасія Ковровскаго:

Вéры броня́ми, / и щито́м благода́ти, / и креста́ копи́ем воору́жившеся, / сопроти́вным си́лам непобеди́ми бы́сте / и, я́ко Божество́нный хра́борницы, / де́монская ополче́ния победивше, / со А́нгелы лику́ете, / véрныя же заступа́ете, и освяща́ете, // и спаса́ете, призыва́емии.

О, пресла́внаго чудесе́! / Чудес светлосты́ми / со́лнца светле́йше / присно́ святіи сродни́цы на́ши / све́тят конце́м Ру́сския землі, / от невече́рняго Све́та об­листа́емии, / ихже сия́нии / о́блацы от страны́ на́шея от­гоня́ются ва́рварстии // и де́мони побежда́ются.

Сла́ва, глас 6:

Новоявлéнные звёзды днесь / на церко́вней показáшася твёрди, / во мно́зех ме́стех бы́вшии мученицы Христо́вы, / ихже ублажа́юще, мучениколю́бцы, / по до́лгу им прирце́м, глаго́люще: / ра́дуйтеся, благоче́стия утвержде́ние и нечестия́ обузда́ние; / ра́дуйтеся, Росси́ския Це́ркве сла́во и безбо́жных посрамле́ние; / ра́дуйтеся, о́брази терпéния и за Христа́ страда́ния. / Ста́ните, непобеди́мии, посреде, нас у́мне, / от бед и искуше́ний избавля́юще, // и моли́теся о спасéнии душ на́ших.

И ны́не, Богородичен.

НА ЛИТУРГИИ

Прокімен, Апóстол, Ева́нгелие и прича́стен вос­кресны́ гласа. И новомучеников прокімен, глас 7: Бог нам Прибе́жище // и Си́ла. **Стих:** Помо́щник в ско́рбех, обрётших ны́ зело́. **Апóстол к Ри́мляном, зача́ло 99. Ева́нгелие от Луки́, зача́ло 105–106. Конец:** В терпéнии ва́шем стяжите́ ду́ши ва́ша. **Прича́стен:** Ра́дуйтеся, пра́веднии, о Го́споде:

Молітва

О святіи новомученицы и исповѣдницы Россій-
стии:/ святителие и па́стырие Цѣркве Христо́вы,/
ца́рственнии страстотѣрцы,/ благовѣрнии князие и
княгѣни,/ до́блии во́ини, мона́си и мирстѣи,/ благоче-
стѣивии му́жие и жены,/ во всяцем вѣзрасте и сосло-
вии за Христа́ пострада́вшии,/ вѣрность Ему́ да́же до
смѣрти свидѣтельствовавшии/ и венѣц жѣзни от Него́
прия́вшии!/ Вы во дни гонѣния лю́таго,/ зѣмлю на́шу
от безбо́жных пости́гшаго,/ на суди́щах, в заточѣниих
и про́пастех земных,/ в го́рьких рабо́тах и всяких
ско́рбных обстоя́ниих/ о́браз терпѣния и непосты́дна-
го упова́ния му́жественне яви́ли есте./ Ны́не же, в рай
сла́дости наслажда́ющесе,/ пред Престо́лом Бо́жиим
во сла́ве предстоите/ и присно хвалу́ и ходата́йство со
А́нгелы и все́ми святы́ми Трине́днему Бо́гу возно́си-
те./ Сего́ ра́ди мы, недосто́йнии,/ мо́лим вас, святіи
сродни́цы на́ши:/ не забу́дите земна́го оте́чества ва́-
шего,/ грехом Ка́инова братоубѣйства,/ поруга́нием
святы́нь, безбо́жием и на́шими беззакѣ́нии отягче́нна-
го./ Умо́лите Го́спода Сил,/ да утверди́т Цѣрковь Свою́
непоколебѣ́му в ми́ре сем многмяте́жнем и лука́-
вом;/ да возроди́т в земли́ на́шей дух ра́зума и благо-
чѣстия, дух святости и стра́ха Бо́жия, дух братолю́биа
и ми́ра;/ да па́ки бу́дем мы ца́рское свяще́ние,/ род
Бо́жий, избра́нный и святы́й,/ присно с ва́ми сла́вя-
щий Отца́ и Сы́на и Свята́го Ду́ха во ве́ки веко́в.
Ами́нь.